



اؤنورسېتى مليسيا فؤج السلطان عبد الله
UNIVERSITI MALAYSIA PAHANG
AL-SULTAN ABDULLAH



napilan

Profesor Ts. Dr. Aida Mustapha

Timbalan Naib Canselor (Penyelidikan dan Inovasi)
Universiti Malaysia Pahang Al-Sultan Abdullah (UMPSA)

Karya Kreatif

Pesanan Buat Anak-Anak Lelaki

Hari ini kau melangkah keluar,
meninggalkan kamar istiadat ini,
ijazahmu menjadi amanah.

Apakah kau tahu,
bahawa kemuliaan itu,
bukan di atas gulungan kertas,
melainkan pada jiwa yang berbudi,
dan akal yang berbakti.

Ilmu yang engkauuntut bertahun-tahun,
bukanlah perhiasan pada nama,
tetapi pelita hati,
menerangi musafir dalam gelita,
memimpin manusia keluar daripada leka.

Anak-anak lelakiku

Engkau itu lelaki,
bukan atas tegapnya bahu,
tetapi atas teguhnya tekadmu,
menyanggupi beban kehidupan.

Engkau mesti menjadi tiang rumah,
penyejuk bagi ibu ayah,
penguat bagi saudara,
lubuk kesabaran ketika mereka berduka.

Engkau mesti menjadi penyuluh jalan,
pembakar semangat,
pendiri impian.
kerana berasal dirimulah,
terbentang harapan agama dan keluarga.

Anak-anak lelakiku,

Kelak kau bekerja,
berikhtiarlah dengan ikhlas,
mohonlah keselamatan akhiratmu.
apa kau masih tidak tahu,
bahawa tiap butir rezekimu di dunia ini,
telah pun dijamin Tuhan.

Kelak kau berkeluarga,
jadilah pelindung yang lembut budi,
hidupkan lidahmu dengan syukur dan hikmah.

Bukankah segala apa yang kau ada,
bahkan pinjaman semata-mata?
Dan kelak kau hidup di tengah masyarakat,
tebarlah manfaat,
kerana Hamka juga berpesan,
bahawa orang yang berharga di sisi manusia
itu,
ialah yang banyak menyumbang,
bukan yang banyak meminta ehsan.

Anak-anak lelakiku,
Teruskanlah perjalanan,
di tubir zaman yang penuh muslihat ini.

hinakan dirimu di hadapan Tuhan,
kerana kau itu hamba,
yang tak punya apa-apa.

Mudah-mudahan kau dirahmati-Nya dan
diiindungi-Nya,
daripada keluh kesah dunia,
dan azab neraka.

[Creative Work](#)

Pesanan buat Anak-anak Lelaki

20 November 2025

- 23 views

[View PDF](#)